

四庫全書

集部

欽定四庫全書

古文集成卷七十六

宋 王霆震 編

前癸集七

問對

設漁者對智伯 柳子厚

史世家

智宣子以瑤為後智果諫弗聽智果別族於太史為輔氏瑤立是為智襄子智

伯為政請地於韓康子康子使使者致万家之

邑又求地於魏桓子桓子復與之万家之邑智

伯又求蔡狼臯之地於趙襄子襄子弗與智伯

怒帥韓魏之甲以攻趙氏襄子乃走晉陽三家

以國人圍而灌之城不浸者三版沈竈產鼃民  
無叛意智伯行水曰吾乃今知水可以亡人國  
也桓子肘康子康子履桓子之跗以汾水可以  
灌安邑絳水可以灌平陽也趙襄子使張孟談  
潛出見二子曰臣聞唇亡齒寒今智伯帥韓魏  
而攻趙趙亡則韓魏為之次矣二子乃陰與張  
孟談約而決水灌智伯軍智伯軍救水而亂韓  
魏翼而擊之大敗智伯之衆遂殺智伯盡滅智  
氏之族

數齋批註

智氏既滅范中行志益大

一篇主意

合韓魏圍趙水晉陽智

伯瑤乘舟以臨趙且又往來觀水之所自務速取焉羣

漁者有一人坐漁智伯恠之問焉

又意

曰若漁幾何曰

漁者

荅臣始漁於河中今漁於海今主大茲水臣是以來曰

又若之漁何如曰

漁者又荅

臣幼而好漁始臣之漁於河有

魴

沙與似呂切

鱣

鰻於憶切

者不能自食以好臣之餌日

收者百焉臣以為小去之龍門之下伺大鮪焉夫鮪之

來也從魴鯉數萬垂涎流沫後者得食焉然其飢也亦

返吞其後愈肆其力逆流而上慕為螭龍及夫抵大石

亂飛濤折

音者禮記羞魚

鰓

音者禮記羞魚

禿翼顛倒頓踣

音順流而

下宛委冒憎

牟孔切

環抵漱而不能出嚮之從魚之大者

幸而啄食之臣亦徒手得焉猶以為小聞古之漁有任

公子者其得益大於是去而之海上北浮於碣

音石山名

求大鯨焉臣之具未及施見大鯨驅羣鯨逐肥魚於渤

澥之尾震動大海簸掉巨島一啖而食若舟者數十勇

而未已貪而不能止北感於碣石槁焉嚮之以為食者

反相與食之臣亦徒手得焉猶以為小聞古之漁有太

公者其得益大釣而得文王於是舍而來智伯曰

以文王自

比今若遇我也如何漁者曰嚮者臣已言其端矣始晉

之侈家若樂氏祁氏卻氏羊舌氏以十數不能自保以  
貪晉國之利而不見其害主之家與五卿嘗裂而食之  
矣是無異魛鱮鱸鰻也腦流骨腐於主之故鼎可以懲  
矣然而猶不肯寤又有大者焉若范氏中行氏貪人之  
土田侵人之勢力慕為諸侯而不見其害主與三卿又  
裂而食之矣脫其鱗膾其肉剗其腸斷其首而棄之鯢  
鮪音而遺脣莫不脩俎豆是無異夫大鮪也可以懲矣然  
而猶不肯寤又有大者焉吞范中行以益其肥猶以為

不足力愈大而求食愈無厭驅韓魏以為羣鯨以逐趙之肥魚而不見其害貪肥之勢將不止於趙臣見韓魏懼其將及也亦幸主之威於晉陽其目動矣而主乃傲

魚到

切然以為咸在几俎之上方磨其舌抑臣有恐焉今輔

果舍族而退不肯同禍

注見前

段規深怨而造是謀主之

不寤臣恐主為大鯨首解於邯鄲

地名

鬣摧於安邑冒披

於上黨尾斷於中山之外而腸流於大陸為鱣

鮮同

鼉音槁

二字出周禮

以充三家子孫之腹臣所以大懼不然主之勇

力彊大於文王何有智伯不悅然終以不寤於是韓魏

與趙合滅智氏其地三分

春秋之世晉自范氏中行氏智氏魏氏趙氏韓氏之卿各

有采邑為晉卿春秋之末晉公室弱六卿強更相攻伐貞定王十二年智氏趙氏韓氏共伐范氏中行氏滅之而分其地十六年智氏驕侈韓趙魏又共滅智氏而分其地

假陸賈對

胡五峯

迂齋批

議論正大規摹開闊不可獨以文字觀而抑揚起伏假設高帝陸賈問對之辭

尤可玩味

全篇依迂齋批

陸賈為漢高帝太中大夫時前說稱引詩書帝罵之曰



乃公居馬上得之安事詩書賈再拜對曰臣竊以為陛下馬上之功不如項王也上曰何謂不如對曰天下初發難時秦軍常乘勝逐北項王獨破秦軍虜王離懾服諸侯將降章邯及欣翳西攻破函谷東繫死田榮感漢軍於穀泗困陛下於滎陽成臯七十餘戰未嘗敗北揚陛下失太公於彭城抑亡衆於滎陽跳身於玉門中伏弩於廣武勇不振於鴻溝既及羽於固陵必待信越而後敢戰此臣所謂不如也上曰是則然矣而我得天下

項王失天下者何也賈對曰項王失信抑弑君意思聽  
讒行姑息樂殺人殖貨利犯聖王之法此其所以失天  
下也陛下本以寬大長者受懷王入關之命為天下除  
殘賊所過亡鹵掠赦秦降王子嬰財物無所取婦女無  
所幸約法三章父老唯恐陛下不為秦王揚此三代得  
天下之仁也項王負約王陛下於蜀漢陛下忍而就國  
用蕭何為丞相養其民以致賢人收用巴蜀還定三秦  
項羽賊殺義帝陛下舉軍編素告諸侯而伐之此三代

取天下之義也不齷齪自用多大畧得英雄心師張良  
任陳平將韓信此堯舜禹湯文武知人之明也以野戰  
略地之功譬狗以文墨議論之功為人此堯舜禹湯文  
武尚德不尚戰之心也鎮撫百姓下令軍士不幸死者  
吏為衣衾棺斂轉送其家此堯舜禹湯文武哀鰥寡恤  
孤獨之政也此五者陛下所以得天下成大漢磐石之  
基非歟馬上一時之功乃河漢之波瀾起伏耳上忻然  
而笑曰設為之辭生言起吾意殊非腐儒之論吾欲治天下

法先聖何若而可賈再拜對曰陛下及此言天下之福也天下法制自周幽厲掃蕩幾盡平莊之後浸微浸滅五霸假托仁義以自封其志不在於斯民至于七雄益以戰爭強大為務秦據形勝以利誘民鬪取一時之勝而不知其勝為僥倖也遂安而行之居十有三歲天下爭起而亡之矣願陛下退叔孫通聘魯二生

亦設為陸賈之辭

使與張良四皓及如臣者共論所以承三代之宜定一代之典以幸天子以詔子孫以傳萬世上曰善然吾老

矣不能用也明年丙午夏四月甲辰帝崩於長樂宮寥  
寥千餘歲未有能明漢家承三代之宜者也又可論承  
漢家之宜乎大宋癸酉歲有士嘆曰嗚呼天乎使陸生  
有是對而漢祖用其言則必六宮有制適庶有辨教養  
子弟有法后夫人嬪嬙各得其所矣又安有戚夫人為  
人彘張美人以恨死趙王如意以酖死淮陽王友以餓  
死梁王恢以殺死燕王建絕嗣山朝武彊不疑幾於亂  
姓之事哉又安有審食其入於死誅不赦之舉而呂氏

至於族滅後世世有外戚之禍哉則必制國有法荆王  
賈楚王交代王喜齊王肥不封數十縣而伏羲神農黃  
帝堯舜禹湯文武及皐陶伊傅周呂之裔得血食矣則  
必體貌大臣韓信彭越之夷三族可悔蕭相國不繫獄  
黥布陳豨盧綰韓王信不背叛矣則必不襲秦故尊君  
抑臣而朝廷之上制禮以道謙尊而光乾剛不亢臣道  
上行致天地於交泰而大臣可以託天下委六尺之孤  
矣則必封建諸侯藩垣屏翰根深蒂固難於崩陷可以

正中國四夷之分不至畏匈奴與之和親而首足倒置  
矣則必復井田之制不致後世三十稅一近於貉道富  
者田連阡陌僭擬諸侯而貧民冤苦失職矣則必用靈  
制五刑使好生之德洽於黎民不下三大赦以啓後世  
惠姦宄賊良民之原矣則必侍御僕從罔匪正人有疾  
病不枕宦者卧臨棄天下公卿大夫受顧命婦寺不得  
與而大正其終矣則必兼用仲尼立嫡與賢之法嗣天  
子繼離之明行乾之健不受制於母后遂飲為淫樂不

聽政矣嗚呼天道往而必返三代之盛其有終不復者

乎

所以望後世也

惰農者對

孫定齋

孫子學於天竺之山北登乎廩丘之上見一惰農焉驅  
羸牛曳朽索操不時之耒而耕乎烈日之中炎風薄其  
肌暑色焦其面人畜之汗交流而疲繭之聲不已孫子  
不知其惰也過而撫之曰叟何勤邪叟何勤邪人皆畏  
暑而叟獨若是其力邪往而視其田則宿土之若焦而



蓬蒿之高三尺顧而循其牛則脊脅出乎外而蹄角之  
纍然者僅存細而察其鋤耰之具則外黃而朽中茵衣  
之集乎其上者若魚鱗焉仍之而未去也孫子矍然而  
驚曰此豈惰農者耶已而視其四隣之田則時者已蕃  
耘者已抽決水而注之滿塍環而綠者皆是而叟之田  
塊然其宿莽者猶在也孫子曰嘻信矣其果惰農者矣  
向吾見其力也不知其惰也見其耕也不知其晚也良  
農之田啓蟄也而耕鳴蜩也而耨授衣也而穫入暑而

操其耒其名曰不時今雖勤且勞其後獲也必粗惜哉  
其初之情也惰農者蹙然不悅曰吾豈樂為是惰者耶  
吾之家業農者十世矣吾見其鹵莽而耕滅裂而耘其  
報也皆從其初若是者吾亦笑之矣今吾豈不自知耶  
顧吾之家十口而九其弱也吾以一夫之耕而仰哺焉  
者衆吾朝夕奔走焉猶懼口腹之不繼也方歲之春田  
事既作食之艱也滋甚吾旦而起操耒而去之門則牽  
衣索飯者留而不我決也吾割而去之則一日之炊不

贍而又吏之理我者役焉豪民之貸我者役焉僦我以居傭我以田凡有私乎我者盡役焉吾以一人之身而百役之是奉將耕也而奪之耕將動也而抽其力夫是以田之遲而種之晚也子又焉可尤吾之惰子欲哀吾之惰乎胡不告乎泣事者寬我征節我力而勤我恤焉則吾之惰也有瘳矣今不哀其窮而曰惟我是惰且子過矣子知農之惰亦知所以自惰者乎十歲而讀書十五而能文二十而擢高科登臚仕高車大馬徜徉乎四

方人皆曰士之力學者如是吾亦曰耕之勤而獲之早也今吾視子則不然子之才自視以為翹翹而挾古以爲高斥今以爲庸則子之田非不腴家貧而富於書羅六藝之羞列百家之饌曳輪蹄而充棟宇則子之耕具非不富問津乎師友之源染指乎聖賢之鼎渴而盈飢而豐隨所取焉必具則子之灌溉非不足三者備矣而耕之不及其時斂之不見其効方其少也猶不如人今壯且立矣吾視子之隣皆耕且穫矣而子獨塊然室於

深山事童子之吟哦習癡兒之句讀木石之與曹猿鳥之與朋旦暮營營而蒼蠅同乎聲則子之耒耜毋乃晚而不時乎操不時之耒而耕於宿土之喧囂吾懼炎風烈日之傷子也子不謂子為惰士而反以我為惰農亦將有說乎孫子赧然失容困乎其辭而未有以對也惰農者笑曰嘻戲之矣子之情不至是也而取才者惰焉夫是以棄子吾聞屈於人者伸於天吾力寡而病於耕人不我恤也而天或助焉故歲之收也常獲螟蝗雀鼠

之害無我及焉而隣之先種者或罹其患是天閔其窮而相我也焉知子之情不有閔其窮而相之者乎且吾與子皆情也而皆其小者焉猶不足以病子吾視世之情復有大於此者食人之祿尸人之位飽食而遨遊荒其職而不思其憂名之曰為情之尤而吾切以為羞故郡也而媮邑也而慵文吏之情也其政荒武吏之情也其兵弛其位愈尊而其情愈大以至佐天子調陰陽擊槃水之重而措之閫外者天下名之曰將相而其為情

也實多機有可乘而不乘隙有可投而不投慮患之遲見利之晚驚脫免於處女而悠悠以敗事者相繼也其為害不既多乎且夫吾與子之情也情於身彼之情也情於國情於民較之吾與子則為瘳矣由是言之世之情者庸有既乎於是釋然而笑悠然而散退而書其說以寘諸座右而警乎朝夕

窮客達主人問答

魯搏齋

有窮客過達主人主人為具客不識恠而問其名則堯

之漿舜之泉禹之糧也反而思平時食淡而已孔蘖孟  
菜之外未嘗及箸焉今遽享此恐為殃遂固辭主人大  
笑以為玉食非近臣莫由得今以所自享者享客意客  
食淡久必饜而思甘乃以不識辭客殆祇有窮分邪客  
曰誠如主人言則客有說更高顧主人悟不悟爾食堯  
舜禹之食食於事者也食孔孟之食食於道者也食其  
食不道其道客自責而已客不自責它無責之者食其  
食不事其事主人不自責天下獨不責主人邪一時人



不責萬世獨不責主人邪眇然一身而百責集焉當是時窮客未必不為達達主人未必不為窮於其末也而為之劑量則堯舜禹之甘比孔孟之淡尤為易饜者饜孔孟蓋有不思堯舜禹者矣饜堯舜禹者有不思孔孟以雪之者也敢以所自享者反享主人主人若未領會者已而悟曰客言然吾當辭事而就道客曰雖然遲矣不俟撤具而退

古文集成卷七十六

欽定四庫全書

古文集成卷七十七

宋 王霆震 編

前癸集八

設論

荅客難

東方朔

五臣註

銑曰漢書云東方朔字曼倩平原厭次人也武帝時舉賢良方正之士待以不

次之位朔乃上書  
自云其才上偉之

翰曰

朔上書陳農戰強國之計終不見用又以位卑故假為客難以荅之

欽定四庫全書

古文集成  
卷七十七

一

客難東方朔曰蘇秦張儀一當萬乘之主而身都卿相之

位澤及後世今子大夫

向曰謂朔也

脩先王之術慕聖人之

義諷誦詩書百家之言不可勝數著於竹帛屑腐齒落  
服膺而不可釋好學樂道之無效明白甚矣自以為智  
能海內無雙則可謂博聞辯智矣然悉力盡忠以事聖  
帝曠日持久積數十年官不過侍郎位不過執戟意者  
尚有遺行邪同胞之徒無所容居其故何也東方先生  
喟然長息仰而應之曰是故非子之所能備也彼一時

也此一時也豈可同哉夫蘇秦張儀之時周室大壞諸侯不朝力政爭權相擒以兵并為十二國未有雌雄得士者彊失士者亡故說去得行焉身處尊位珍寶充內外有倉廩澤及後世子孫長享今則不然聖帝德流天下震懼諸侯賓服威振四夷連四海之外以為帶安於覆盂天下均平合為一家動發舉事猶運之掌賢與不肖何以異哉遵天之道順地之理物無不得其所故綏之則安動之則苦尊之則為將卑之則為虜銑曰虜謂寇敵抗

之則在青雲之上抑之則在深淵之下用之則為虎不

用則為鼠雖欲盡節效情安知前後

濟曰言皇德自行故不藉盡節效情

者也安知前後謂無所用其才也

方今天地之大士民之衆竭精馳說

並進輻湊者不可勝數悉力慕之困於衣食或失門戶

翰曰言土人盡力以慕天子之德欲效精誠區區於下困於衣食或失道路者門戶謂道路也

使蘇秦

張儀與僕並生於今之世曾不得掌故安敢望侍郎乎

向曰掌故卑吏也

傳曰天下無害雖有聖人無所施才上下

和同雖有賢者無所立功故曰時異事殊雖然安可以

不務脩身乎哉詩曰鼓鐘于宮聲聞于外鶴鳴九臯聲

聞于天

銑曰言人好學脩身聲譽聞於天下

苟能脩身何患不榮太公體

行仁義七十有二乃設用於文武得信厥說

音稅濟曰用文武之

道以相周室得信用其說策

封於齊七百歲而不絕此士所以日夜

孳孳脩學敏行而不敢怠也譬若鵲鵲飛且鳴矣

向曰鵲鵲

亦如人脩身不懈怠也

傳曰天不為人之惡寒而輟其冬地不為

人之惡險而輟其廣君子不以小人之匈匈而易其行

天有常度地有常形君子有常行君子道其常小人計

其功詩云禮義之不愆何恤人之言水至清則無魚人

至察則無徒

翰曰人至明察人所疾畏故孤立而無徒侶黨援矣

冕而前旒所以

蔽明

黠它口切

續充耳所以塞聰明有所不見聰有所不

聞舉大德赦小過無求備於一人之義也

銑曰不求備才於人蓋取

片

枉而直之使自得之優而柔之使自求之

濟曰寬容使自求所

也揆而度之使自索之

翰曰揆度其才性所為使不相奪倫各自求分也

蓋聖

人之教化如此欲其自得之自得之則敏且廣矣今世

之處士塊然無徒廓然獨居上觀許由下觀接輿

良曰許由

接輿並  
隱者

計同范蠡忠合子胥天下和平與義相扶寡偶

少徒固其宜也子何疑於予乎若夫燕之用樂毅秦之  
任李斯漢用酈食其之下齊說行如流曲從如環所欲  
必得功若丘山海內定國家安是遇其時也子又何怪  
之耶語曰以管窺天以蠡測海以筵撞鐘豈能通其條

貫考其文理發其音聲者哉

銑曰蠡力和反蚌蛤也筵  
小木枝也言以管窺於天

以蚌量其海以木枝擊鍾其條貫文理聲音終不  
可通矣朔自言答客之辭不可通發於心意也

猶是

觀之譬由鼃

精  
鼃

之襲狗孤豚之咋

士白  
反

虎至則靡



耳何功之有

良曰鼯鼠也咋齧靡耳畏服而已矣

今以下愚而非處士

雖欲勿困固不得已

濟曰下愚朔自謙也處士謂客也

此適足以明其

不知權變而終惑於大道也

答賓戲

并序

班固

數齋曰

此篇主意設為問答以解譏刺論辨精當學者不可不讀

永平中為郎典校秘書專篤志於儒學以著述為業  
或譏以無功又感東方朔揚雄自喻以不遭蘇張范  
蔡之時曾不折之以正道明君子之所守故聊復應

焉其辭曰

賓戲主人曰

設辭

蓋聞聖人有一定之論烈士有不易之

分亦云名而已矣故太上有立德其次有立功夫德不

得後身而特盛功不得背時而獨彰是以聖哲之治棲

棲遑遑孔席不煖墨突不黔

五臣注善曰墨子無黔突孔子無煖席非以貪祿慕

位欲起天下之利除萬民之害

由此言之取舍者昔人之上務著作者

前列之餘事耳今吾子

設戲辭

幸遊帝王之世躬帶綬冕

之服浮英華湛道德轡龍虎之文舊矣

孟康曰轡被也亡叛切善曰易

曰大人虎變其文炳  
言文章之盛名也

卒不能據首尾奮翼鱗振拔洿塗

跨騰風雲使見之者影駭聞之者響震徒樂枕經藉書

紆體衡門上無所蒂下無所根獨攄意乎宇宙之外銳

思於毫芒之內潛神默記絀以年歲

絀音豆  
竟也

然而器不

賈古於當已用不效於一世雖馳辯如濤波摘藻如春

華猶無益於殿最也意者且運朝夕之策定合會之計

使存有顯號亡有美諡不亦優乎主人迫爾而笑曰

谷  
迫

讀若  
攸

若賓之言所謂見世利之華闇道德之實守突奧

之熒燭未仰天庭而覩白日也

應劭曰爾雅云西南隅謂奧東南隅謂窻善曰

窻一弔切

熒小光也曩者王途蕪穢

援古事證

周失其馭侯伯方軌戰

國橫騫於是七雄虢闕分裂諸夏龍戰虎爭遊說之徒

風颭電激

韋昭曰颭音庖風之聚猥者也

並起而救之其餘焱

必遙切飛

景附雪

焱輒切

煜

弋叔切

其間者蓋不可勝載

銑曰言游說之人有辭如

烈火之飛焰馳逐如影之附形恣

為強盛游於其間者不可勝數

當此之時搨朽摩鈍

鈎刀皆能一斷是故魯連飛一矢而蹶千金

濟曰齊圍燕燕將保

聊城魯仲連乃為書約之係於矢射與燕將燕將得之泣而自殺又仲連游於趙是時秦伐趙秦聞仲連在趙

為謀秦軍為之退五十里趙王以千金為酬仲連棄而不受蹇棄也虞卿以顧盼而捐相

印翰曰秦昭王遺趙王書索魏齊魏齊亡出見趙相虞卿虞卿度趙王終不可說恐殺魏齊乃解棄相印與

魏齊間行夫啾發投曲感耳之聲合之律度淫蠅鳥佳反而不

可聽者非韶夏之樂也因勢合變遇時之會移風易俗

乖迕而不可通者非君子之法也及至從人合之衡橫

人散之良曰從人謂蘇秦合六國以備秦橫人謂張儀佐秦散六國之徒使棄君事秦亡命漂

說羈旅騁辭濟曰亡命謂棄君命而外游羈旅謂客游不得志漂說謂浮詭之言騁辭謂馳辯之

說商鞅挾三術以鑽孝公翰曰三術謂帝道王道伯道商君說秦孝公用此三術孝

公用其伯術

李斯奮時務而要始皇

向曰要致也謂致始皇為強暴之法彼皆

躡風塵之會履顛沛之勢據徼

古堯切

乘邪以求一日之

富貴

良曰言據徼倖乘邪險以求富貴

朝為榮華夕為顛賴福不盈皆

禍溢於世

濟曰皆目匡也不盈目匡言不久也

凶人且以自悔况吉士而

是賴乎且功不可以虛成名不可以偽立韓設辨以激

君

服虔曰韓非設辨於始皇

吕行詐以賈

古國

韋昭曰吕不韋立子楚以市秦利

說

難既適其身乃囚

項岱曰韓非作說難之書欲以為天下法式然為李斯所說囚死於秦

秦貨其貴厥宗乃墜

善曰秦昭王王子子楚質於趙吕不韋賈邯鄲見曰此奇貨可居乃以

五百金買奇物玩好而遊秦獻華陽夫人立子楚為嫡嗣昭王薨子楚代立為莊襄王以不韋為丞相飲鴆而死

是以仲尼抗浮雲之志孟軻養浩然之氣彼豈樂為迂闊哉道不可以貳也方今大漢洒掃羣穢夷險芟荒廓帝紘恢皇綱基隆於羲農規廣於黃唐其君天下也災之如日威之如神涵之如海養之如春是以六合之內莫不同源共流沐浴玄德稟仰太皞枝附葉著譬猶草木之植山林鳥魚之毓川澤得氣者蕃滋失時者零落參天地而施化豈云人事之厚薄哉今吾子處皇代

而論戰國曜所聞而疑所覲欲從陟毛敦而度高

都回切

乎泰山懷沈軌

濫而測深乎重淵亦未至也賓曰又問若

夫鞅斯之倫衰周之凶人既聞命矣敢問上古之士處

身行道輔世成名可述於後者默而已乎主人曰又答何

為其然也昔者咎繇謨虞箕子訪周言通帝王謀合神

聖殷說夢發於傅巖周望兆動於渭濱齊寧激聲於康

衢銑曰寧戚見齊桓公過於路乃為高歌公聞而用之漢良受書於邳垠張良游下邳圯

上見一老父出一編書良受之皆竢命而神交匪言詞之所信故能建



必然之冊展無窮之勲也近者陸子

賈陸

優游新語以興

董生

仲舒

下帷發藻儒林劉向司籍辯章舊聞揚雄覃思

法言太玄皆及時君之門闡究先聖之壺奧婆娑

項岱曰偃

息

也乎術藝之場休息乎篇籍之圃以全其質而發其文

用納乎聖德烈炳乎後人斯非亞歟若乃伯夷抗行於

首陽柳惠降志於辱仕顏淵樂於簞瓢孔終篇於西狩

聲盈塞於天淵真吾徒之師表也且吾聞之一陰一陽

天地之方

善曰方常也

乃文乃質王道之綱有同有異聖哲

之常故曰慎修所志守爾天符

性也

委命供已味道之腴

神之聽之名其舍諸賓又不知

又答

和氏之璧韞於荆石

隋侯之珠藏於蚌蛤乎歷世莫眊不知其將含景曜吐

英精曠千載而流光也應龍潛於潢汙魚鼃媒之不覩

其能奮靈德合風雲超忽荒而躔昊蒼也

史記注  
躔音戰

故夫

泥蟠而天飛者應龍之神也先賤而後貴者和隋之珍

也時暗而久章者君子之真也若乃牙曠清耳於管絃

離婁眇目於毫介

濟曰伯牙師曠皆善  
樂者離婁目明者

逢蒙絕技於弧

矢般輸權巧於斧斤良樂軼能於相馭烏獲抗力於千

鈞和鵲發精於鍼石

銑曰和鵲皆善醫

研桑心計於無垠

研范蠡之

師也桑桑弘羊也以心計為侍中

走亦不任厠拔於彼列故密爾自娛

於斯文

服虔曰走孟堅自謂也

解嘲

并序

揚雄

數齋曰

此又是一樣文體陰寓譏時之意陽詠歎之進學解送窮文皆出於此

數齋批註

迂齋批點

哀帝時丁傅董賢用事

漢書定陶丁姬哀帝母也兄明為大司馬又孝哀傳皇后

哀帝即位封后父晏為孔鄉侯又董賢傳哀帝立拜為黃門郎寵愛日甚為駙馬都尉侍中諸附

離之者起家至二千石

良曰人有附著其勢者

時雄方草創太

玄有以自守汨如也人有嘲雄以玄之尚白

玄當黑而尚白

將無所用雄辭之號曰解嘲其辭曰

客嘲揚子雲曰

設辭

吾聞上世之士

泛說

人綱人紀不生則

已生必上尊人君下榮父母析人之珪儋

荷也

人之爵懷

人之符分人之祿紆青拖紫朱丹其轂

漢制公侯紫綬九卿青綬吏二

千石朱兩幡

今吾子幸得遭明盛之世處不諱之朝與羣賢

同行歷金門上玉堂有日矣

待詔金馬門晉灼曰黃圖有大玉堂小玉堂

曾

不能畫一竒出一策

嘲辭

上說人主下談公卿目如曜星

舌如電光一從一橫論者莫當顧默而作太玄五千文

枝葉扶疎獨談數十餘萬言深者入黃泉高者出蒼天

大者含元氣細者入無間

言至微也

然而位不過侍郎

反應上

擢纔給事黃門意者玄得無尚白乎何為官之拓落也

問揚子笑而應之曰

答

客徒朱丹吾轂不知一跌將赤

吾之族也

因朱丹字生赤字出

往昔

解

周網解結羣鹿爭逸

喻在爵位

者離為十二合為六七四分五剖並為戰國士無常君

國無定臣得士者富失士者貧矯翼厲駟恣意所存故

士或自盛以橐或鑿坏以遁范睢入秦藏於橐中史記王稽辭魏去竊載范

睢入秦至湖見車騎曰為誰王稽曰穰侯范睢曰此恐辱我我寧匿車中。魯君聞顏闔賢欲以為相使者往

聘因鑿後垣聘因鑿後垣是故鄒衍以頡頏而取世資齊人著書所

而亡坏壁也齊人號談天鄒孟軻雖連音輦塞值屯猶為萬乘師滕文公尊

敬孟子敬孟子今大漢反上左東海右渠搜屬雍州在金前番

禺南越王都後椒塗漁陽之北界迂齊東南一尉會稽

也番音潘

批應四分五剖

東部

都尉西北一候

玉門關候

徽以糾墨制以鎖鈇

斬腰之刑

散以禮樂

風以詩書曠以歲月結以倚廬

漢律以為親行三年服不得選舉結為倚廬以

結其心

天下之士雷動雲合魚鱗雜襲

雖尊大漢其實含不滿意迂齋批觀

下文可見

咸營于八區家家自以為稷契人人自以為臯陶

戴縑

所氏切

垂纓而談者皆擬於阿衡五尺童子羞比晏

嬰與夷吾當塗者升青雲失路者委溝渠

發出主意

旦握權

則為卿相夕失勢則為匹夫譬若江湖之涯渤澥之島

乘雁集不為之多雙鳬飛不為之少

四雁曰乘

昔三仁去而

殷墟二老歸而周熾子胥死而吳亡種蠱存而越霸五

殺

百里奚

入而秦喜樂毅出而燕懼范雎以折摺而危穰

侯

摺古拉字

蔡澤以噤

欺稟切

吟疑甚

而笑唐舉

蔡澤就唐舉相舉乃笑之

噤吟語而笑兒後乃代范雎為相

故當其有事也非蕭曹子房平勃樊

霍則不能安

含譏諷意

當其無事也章句之徒相與坐而守

之亦無所患故世亂則聖哲馳騫而不足世治則庸夫

高枕而有餘

迂齋批以治世尊漢既不失體其實含不盡之意

夫上世之士或

解縛而相

左傳齊鮑叔帥師來言曰云云管仲請囚鮑叔受之及堂阜而脫之歸而以告曰管夷吾



治於高侯使相可也公從之

或釋褐而傅

傅說被褐帶索庸築傅岩武丁得之舉為三公

或

倚夷門而笑

侯嬴

或橫江潭而漁

漁父

或七十說而不遇

孔子

或立談而封侯

虞卿說趙孝成王再見為上卿

或枉千乘於陋巷

呂氏春秋

曰齊桓公見小臣稷

或擁篲而先驅

鄒衍

是以士頗得信其舌而奮

其筆室隙蹈瑕而無所詘也當今縣令不請士郡守不迎師羣卿不揖客將相不俛眉言奇者見疑行殊者得辟是以欲談者卷舌而同聲欲步者擬足而投跡嚮使上世之士處乎今世策非甲科行非孝廉舉非方正獨

可抗䟽時道是非高得待詔下觸聞罷又安得青紫且  
吾聞之也炎炎者滅隆隆者絕觀雷觀火為盈為實天  
收其聲地藏其熱高明之家鬼瞰其室攬挈女居切者亡

默默者存位極者宗危自守者身全是故知玄知默守  
道之極爰清爰靜游神之庭惟寂惟冥守德之宅世異  
事變人道不殊彼我易時未知何如今子廼以鵠臬而

笑鳳皇執螭鳥典切而嘲龜龍不亦病乎說文在壁曰螭

蛭在草曰蜥蜴子徒笑我玄之尚白吾亦笑子之病甚不遇俞

跼與扁鵲也悲夫

俞跼扁鵲善醫者

客曰又然則靡玄無所成

名乎范蔡以下何必玄哉揚子曰答范雎魏之亡命也

折脇摺髀

音格腰骨也

免於徽索翕肩蹈背扶服入索

服蒲北反

入索見上文

激卬萬乘之主介涇陽抵穰侯而代之當也

激卬

怒也范雎至秦上書因感怒昭王昭王乃免相國逐涇陽君於關外秦昭王母宣太后長弟曰穰侯姓魏名冉

昭陽同母弟曰涇陽君

蔡澤山東之匹夫也顛頤折頰涕唾流沫

西揖強秦之相搯

烏革切一作扼

其咽而抗其氣拊其背而奪

其位時也

上曲曰顛欺甚切史記蔡澤聞應侯內慙乃西入秦應侯使人召蔡澤蔡澤入則揖應侯

應侯延入坐數日言於秦昭王曰客有從山東來者曰蔡澤其人辨士昭王與語說之應侯請歸相印遂拜蔡

澤為相說文類

鼻頸也於達切天下已定金革已平都於洛陽婁敬

輅脫輓掉三寸之舌建不拔之策舉中國徙之長安適

也

漢書高祖都洛陽婁敬輅曰臣願見上言便宜說上曰陛下都洛陽不便不如入關據秦之固是日車

駕西都長安

五帝垂典三王傳禮百世不易叔孫通起於枹

鼓之間解甲投戈遂作君臣之儀得也

叔孫通制禮儀

呂刑靡

弊秦法酷烈聖漢權制而蕭何造律宜也

蕭何撫秦法取其宜於時

者作律九章

故有造蕭何之律於唐虞之世則詩矣

詩布內切平也

有作叔孫通儀於夏殷之時則惑矣有建婁敬之策於

成周之世則乖矣有談范蔡之說於金張許史之間則

狂矣

金曰碑張安世許廣漢史恭史高也

夫蕭規曹隨留侯畫策陳平出

奇功若太山嚮若坻隤

天水有大坂名曰隤坻其山堆旁著即崩落作聲聞數百里故

曰坻隤。坻丁禮切。

雖其人之膽智哉亦會其時之可為也故為

可為於可為之時則從為不可為於不可為之時則凶

若夫蘭生收功於章臺

相如獻壁於章臺

四皓采榮於南山公

孫創業於金馬

弘對策金馬門

驃騎發迹於祁連

驃騎將軍霍去病擊匈奴

至祁連山司馬長卿竊貲於卓氏東方朔割炙於細君

事並見本

傳僕誠不能與數子並故默然獨守吾太玄

末句言不變其所守

### 惡圓

元結

元子家有乳母為圓轉之器以悅嬰兒嬰兒喜之母使為之聚孩孺助嬰兒之樂友人公植者聞有戲兒之器請見之及見之趨焚之責元子曰吾聞古之惡圓之士歌曰寧方為皁不圓為卿寧方為汙辱不圓為顯榮其甚者則終身不仰視曰吾惡夫圓或有喻之以天天無

窮人不能極遠視四垂因謂之圓天不圓也對曰天縱  
不圓為人稱之我亦惡焉次山柰何任造圓轉之器恣  
令悅媚嬰兒小喜之長必好之教兒學圓且陷不義躬  
自戲圓又失方正嗟嗟次山入門愛嬰兒之樂圓出門  
當愛小人之趨圓吾安知次山異日不言圓行圓動圓  
靜圓以終身乎吾豈次山之友也元子召季川謂曰吾  
自嬰兒戲圓公植尚辱我言絕忽乎吾與汝圓以應物  
圓以趨時非圓不預非圓不為公植其操矛戟刑我乎

惡曲

元結

元子時與鄰里會曲全當時之歡以順長老之意歸泉  
上叔盈問曰向夫子曲全其歡道然也苟為爾乎元子  
曰叔盈視吾曲其心以徇財利曲其行以希名位當過  
吾吾苟全一歡於鄰里無惡然可也東邑有全道之士  
聞元子對叔盈恐曰吾聞元次山約其門人曰無惡我  
之小曲真憎鄙惡辭也吾輩全直世年未常曲氣以轉  
聲曲辭以達意曲步以便往曲視以回目猶患於古人



古人有惡曲者不曲臂以取物不曲膝以便坐見天下  
有曲於君曲於民曲於鬼神者往刼而死之今元次山  
苟曲言貌彊全一歡以為不褻其直恩哉君能苟曲於  
鄰里彊全一歡豈不能苟曲於鄉縣以全言行能苟曲  
於鄉縣豈不能苟曲於邦國以彰名譽能苟曲於邦國  
豈不能苟曲於天下以揚德義若言行名譽德義偕顯  
豈有鍾鼎不入門權位不在已乎嗚呼曲為之小為大  
之漸曲為之也有何不可姦邪凶惡其圖音由乎元子聞

之頌曰吾以顏貌曲全一歡全直君子之惡我如此由  
有過於此者何以自免

古文集成卷七十七

欽定四庫全書

古文集成卷七十八

宋 王霆震 編

前癸集九

戒

守戒 韓昌黎

數齋云

此篇論備在得人

全篇數齋批注

詩曰大邦維翰

按詩大雅板篇价人維藩大師維垣大邦維屏大宗維翰疑邦翰二字必有一

誤書曰以蕃王室

蔡仲之命

諸侯之於天子不惟守土地奉

職貢而已固將有以翰蕃之也今人有宅於山者知猛

獸之為害則必高其柴援而外施陷穽以待之宅於都

者知穿窬之為盜則必峻其垣墻而內固局鑄

音訣鑰也莊

子固局鑄

以防之

喻以小

此野人鄙夫之所及非有過人之智

而後能也今之通都大邑介於屈彊

屈渠勿切強居亮切又臣兩切

之

間而不知為之備噫亦惑矣野人鄙夫能之而王公大

人反不能焉豈材力為之而有不足歟蓋以謂不足為

而不為耳天下之禍莫大於不足為而不為

說透病源一無而

不為三  
字非

材力不足

一有為字

者次之不足為者敵至而不知

材力不足

一有為字

者先事而思則其於禍也有間矣彼之

屈彊者帶甲荷戈不知其多少其縣地則千里而與我

壤地相錯無有丘陵江河洞庭孟門之關其門又自知

其不得與天下齒朝夕舉踵引頸冀天下之有事以乘

吾之便此其暴於猛獸穿窬也甚矣嗚呼胡知而不為

之備乎哉賁育之不戒

善譬

童子之不抗魯雞之不期蜀

雞之不支今夫鹿之與豹非不巍然大矣然而卒為之

禽者爪牙之材不同猛怯之資殊也曰然則如之何而

備之曰在得人

結有力

敵戒

柳子厚

數齋云

此篇論敵存滅禍

皆知敵之仇而不知為益之尤皆知敵之害而不知為

利之大秦有六國兢兢以彊六國既除施施

音怡自得兒又淺意

乃亡晉敗楚鄢范文為患厲之不圖舉國造怨

左成十六年晉

侯將伐鄭范文子曰若選吾願諸侯皆叛晉可以逞若  
唯鄭叛晉國之憂可立侯也六月晉楚過于鄢陵戰楚

師宵遁十七年范文子反自鄢陵使祝宗祈死曰君驕侈而克敵是天益其疾也難將作矣六月戊辰士燮卒

孟孫惡臧孟死臧恤藥石去矣吾亡無日

左襄二十三年孟孫惡臧

孫李孫愛之孟孫卒臧孫入哭甚哀其御曰孟孫之惡子也而哀如是李孫若死其若之何臧孫曰李孫之愛我疾疾也孟孫之惡我藥石也美疾不如惡石夫石猶生我疾之美其毒滋多孟孫死吾亡無日矣智能

知之猶卒以危矧今之人曾不是思敵存而懼敵去而

舞廢備自盈祗益為瘡

俞愈二音

敵存滅禍敵去召過有能

知此道大名播懲病克壽矜壯死暴縱欲不戒匪愚伊

耄我作戒詩思者無咎



三戒序 柳子厚

東坡云

予讀柳子厚三戒而愛之乃作河豚魚烏賊魚二說并序以自警

全篇並依數齋批點

吾恒惡世之人

恒胡登反常也

不知推已之本而乘物以逞

此下

提出三件

或依勢以干非其類出技以恣彊竊時以肆暴然

卒迫于禍有客談麋驢鼠三物似其事作三戒

臨江之麋

數齋云

此篇戒依勢以干非其類者

臨江之人畋得麋麇

音眉宜鹿子也

畜之入門羣犬垂涎揚尾

皆來其人怒怛之自是日抱就犬習示之使勿動稍使

與之戲

善叙事

積久犬皆如人意麇稍大忘已之麇也以

為犬良我友抵觸偃仆益狎犬畏主人與之俯仰甚善

然時啖其舌

轉

三年麇出門見外犬在道甚眾走欲與

為戲外犬見而喜且怒共殺食之狼籍道上麇至死不

悟

言其不知覺悟

黔之驢

數齋云

此篇戒出技以恣強者

黔無驢有好事者船載以入至則無可用放之山下虎見之尤然大物也以為神蔽林間窺之稍出近之慙慙魚僅切然莫相知他日驢一鳴虎大駭遠遁以為且噬已

也甚恐然往來視之覺無異能者

漸知其技

益習其聲又近

出前後終不敢搏稍近益狎蕩倚衝冒驢不勝怒蹄之

虎因喜計之曰技止此耳因跳踉大矚

虎檻切

斷其喉盡

其肉乃去噫形之尤也類有德聲之宏也類有能向不

出其技虎雖猛疑畏卒不敢取今若是焉悲夫

永某氏之鼠

數齋云

此篇戒竊時以肆暴者

永

地名

有某氏者畏日拘忌異甚以為已生歲直子鼠子

神也因愛鼠不畜猫犬

一作又

禁僮勿擊鼠倉廩庖厨悉

以恣鼠不問由是鼠相告皆來某氏飽食而無禍某氏

室無完器椀

音移方言榻前几趙魏之間謂之椀一曰衣架

無完衣飲食大率

鼠之餘也晝累累與人兼行

肆暴之時

夜則竊齧鬪暴其聲

萬狀不可以寢終不厭數歲某氏徙居他州後人來居  
鼠為態如故其人曰是陰類惡物也盜暴尤甚且何以  
至是乎哉假五六猫闔門撤瓦灌穴惡貫已滿購童羅捕之  
殺鼠如丘棄之隱處與臭同數月乃已嗚呼彼以其飽  
食無禍為可恒也哉

藥戒宛丘

數齋批云

此篇首論治痞之疾不可急攻以求快若用藥之速則必耗元氣中間引

秦商君求快之過後歸美先王之治韓歸主意有力

客有病痞

部鄙反腹內結痛

積於其中者伏而不得下自外至

者捍而不得納從壅而問之曰非下之不可歸而飲其

藥既飲而暴下不終日而向之伏者散而無餘

造語

向之

捍者柔而不支焦鬲導達呼吸開利快然若未始有疾

者不數日痞復作投以故藥其快然也亦如初自是不

逾月而痞五作五下

文老

每下輒愈然客之氣一語而三

引體不勞而汗股不步而慄膚革無所耗於前而其中

蕭然莫知其所來嗟夫心痞非下不可已予從而下之

術未與也蕭然獨何歟聞楚之南有良鑿焉往而問之  
鑿嘆曰子無歎是蕭然者也凡子之術固為是蕭然也

坐吾語汝天下之理有甚快於予心者其末必有傷

一篇

主意求無傷於終者則初無望於快吾心夫陰伏而陽蓄

氣與血不運而為痞

究得病源

橫乎子之胷中者其累大矣

擊而去之不須臾而除甚大之累和平之物不能為也

必將擊搏震撓而後可夫人之和氣沖然而甚微泊乎

其易危

意高

擊搏震撓之功未成而子之功蓋已病矣由

是觀之則子之痞凡一快者子之和一傷矣不終日而快者五則子之和平之氣不既索乎故膚不勞而汗股不步而慄蕭然如不可終日也且將去子之痞而無害於和乎子歸燕居三月齋戒而復請之鑿曰子之氣少復矣取藥而授之曰服之三月而疾少平又三月而少康終是年而復常且飲藥不得亟進客歸而行其說然其初使人慙莫困反然遲之蓋三投藥而三反之也然日不見其所攻之效則月異而時不同蓋終歲疾平客謁



鑿再拜而謝之坐而問其故鑿曰是鑿國之說也豈特

鑿之於疾哉子獨不見夫秦之治乎

引秦為證

民悍而不聽

令情而不勤事放而不畏法令之不聽治之不變則秦

之民嘗瘡矣商君見其瘡也

引歸本意

厲以刑法威以斬伐

悍戾猛鷙不貸毫髮痛剗而力鋤之於是乎秦之政如

建瓴流蕩四達無敢或拒而秦之瘡嘗一快矣自孝公

以至二世也凡幾瘡而幾快矣乎頑者已圯彊者已柔

而秦之民無歡心矣

史商君傳孝公用衛鞅鞅欲變法孝公曰善卒定變法之令令民為

什伍而相牧司連坐不告奸者腰斬告奸者與斬敵首同賞匿奸者與降敵同罰故猛政一快

者歡心一亡積快而不已而秦之四支枵然徒有其物

而已民心日離而君孤立於上故匹夫大呼不終日而

百病皆起秦欲運其手足肩脅而漠然不我應矣故秦

之亡者是好為快者之過也昔者先王之民

歸美先王之治

其

初亦嘗瘡矣先王豈不知砢然擊去之以為速也惟其

有懼於終也故不敢求快於吾心優柔而撫存之教以

仁義導以禮樂陰解其亂而徐去其滯

文

使其悠然自

趨於平安而不自知方其未也旁視而憑然者有之矣  
然月計之歲察之前歲之俗非今歲之俗也不擊不搏  
無所忤逆是以日去其戾氣而不嬰其歡心於是政成  
教達安樂悠久而無後患矣是以三代之治皆更數聖  
人歷數百年而後俗成則予之藥終年而愈疾蓋無足  
怪故曰天下之理有甚快於予心者其未也必有傷求  
無傷於其終則初無望於快吾心


昭前主意  
結有力

雖然豈獨

於治天下哉客再拜而記其說

言戒 涑水

迂叟曰言不可不重也子不見鐘鼓乎夫鐘鼓扣之鳴  
鏗鏘鎗鞳人不以為異也若不扣而自鳴人孰不謂之  
妖邪可以言而不言猶叩之而不鳴也亦為廢鐘鼓也



古文集成卷七十八